

明紅絲
欄鈔本

百

家

詞



履齋先生詩餘目錄

滿江紅十六首

哨遍一首

水調歌頭五首

沁園春二首

賀新郎六首

滿庭芳二首

酹江月三首

八聲甘州三首

二郎神一首

解連環一首

漢宮春一首

祝英臺近 三首

摸魚兒 一首

喜遷鶯 一首

千秋歲 一首

聲聲慢 一首

青玉案 二首

江城子 一首

鷓鴣天 一首

南柯子 一首

踏莎行 一首

糖多令 一首

謁金門 二首

鵲橋仙 一首

更漏子 一首

海棠春 一首

卜算子 三首

長相思 三首

柳梢青 二首

阮郎歸 一首

訴衷情 一首

霜天曉角 一首

點絳脣 一首

蝶戀花 二首

天仙子 一首

如夢令十首

望江南十四首

浪淘沙二首

小重山一首

昭君怨一首

南鄉子一首

虞美人一首

生查子一首

武陵春一首

續集

二郎神一首

滿江紅一首

履齋先生詩餘

渤海吳潛毅父

滿江紅

送李御帶珙

紅玉階前問何事
翩然引去湖海上一汀鷗鷺半帆
煙雨報國無門空自怨
濟時有策從誰吐
過垂虹亭
下繫扁舟鱸堪煮
拚一醉留君住
歌一曲送君路
遍江南江北欲歸何處
世事悠悠渾未了
年光冉冉
今如許
試舉頭一笑問青天
天無語

又

送陳方伯上襄州幕府

驛星程又還
控西風征轡元自有孔璋書檄元龍

分氣蜀道尚驚輦鼓後神州正在干戈裏佐元戎一
枉隱擎天裏之水功名事山林計人易老時難值
看新絲一髮甚吾衰矣轉首從遊十五載關心契濶
三千里便秋空邊鴈落江南書來未

又

齊山繡春臺

十二年前曾上到繡春臺頂雙脚健不煩筇杖透巖
穿嶺老去漸銷狂氣習重來依舊佳風景想牧之千
載尚神游空山冷山之下江流永江之外淮山暝
望中原何處虎狼猶梗勾蠡規模非淺近石符事業
真俄頃問古今宇宙竟如何無人省

又

豫章滕王閣

萬里西風吹我上滕王高閣正檻外楚山雲漲楚山
濤作何處征帆木末去有時野鳥沙邊落近簾鉤暮
雨掩空來今猶昨 秋漸緊添離索天正遠傷飄泊
嘆十年心事悠悠莫莫歲月無多人易老乾坤能大
愁難著向黃昏斷送客魂銷城頭角

又

金陵烏衣園

柳帶榆錢又還過清明寒食天一笑滿園羅綺滿城
簫笛花樹得青紅欲染遠山過雨青如滴問江南池
館有誰來江南客 烏衣巷今猶音烏衣事今難覓
但年年燕子晚煙斜日抖擻一春塵土債悲涼萬古

英雄迹且芳尊隨分趣芳時休虛擲

又

和呂居仁侍郎東萊先生韻

擬卜三椽問何處水迴山曲朝暮景清風當戶白雲
藏屋更得四時瓶貯酒未輸一品腰圍玉待千章手
種木成陰周遮綠且休殫陶令菊也休羨子猷竹
筭百年一夢誰榮誰辱喚客烹茶閑話了呼童取枕
佳眠足但晨香一炷願天公時豐熟

又

寄趙文仲南仲領淮東帥憲

嶽石相靈曾孕箇擎天人物臨古峴綸巾羽扇笑驅
胡羯護塞十年高叔子出師一表儕諸葛有孤忠分

付與佳兒真衣鉢 劉家驥馳空闊薛家鳳飛橫絕
比君家兄弟可能豪傑草木聲名如電掃羶裘心膽
聞風折待安排江漢一篇詩歸來說

又

細閱浮生爲甚底區區碌碌筭只是信緣隨分早尋
歸宿造物小兒收歛弄翻雲覆雨難樛觸謾一堆歲
月鬢邊來跳丸速 田二頃非無粟官四品非無祿
更不知足後待何時足恰好園池元自有近來新創
三椽屋且飢時喫飯困時眠平爲福

又

送吳叔永尚書

舉世悠悠何妨任流行坎止筭是處鮮魚羹飯喫來

都羨暇日扁舟清雪上倦時一枕薰風裏試回頭堆
案省文書徒勞爾南浦路東溪水離索恨飄零意
况星星鬢影近來如此萬事儘由天倒斷三才自有
人撐抵但多吟康節醉中詩頻相寄

又

九日郊行

歲歲登高筭難得今年美景盡歛却雨埋風障霧沉
雲暝遠岫四呈青欲滴長空一抹明於鏡更天教老
子放肩頭邊烽靜南數本菊香能勁數朶桂香尤
勝向尊前一咲幾多親興安得便如彭澤去不妨且
作山翁醕儘古今成敗共興亡都休省

又

永興月波樓和友人韻

日薄寒空正澤國一汀霜葉過萬里西風塞鴈數聲
哀咽耿耿有懷天可訊悠悠此恨誰能說倚闌干老
淚落關山平蕪隔提短劒腰長鉞昔壯志今華髮
有江湖征棹水雲深闊要斬鼪鼯埋九地可憐烏兔
馳雙轍羨渠儂健筆掃磨崖文章別

又

和吳季永侍郎見寄

乍雨還晴正輕暖輕寒簾幕時悵望故人煙水鷺翻
鷗落老去可堪離恨結新來轉覺吟情薄况等閑客
裏送年華成揮霍天一顧西南角人萬里風埃闊
笑長鄉歸蜀錦衣徒着不是等閑螳臂怒也休剗道

鷄聲慙但千年往事誤平涼今畚莫

又

劉長翁右司席上

凝靄頑陰風掃盡安排今夕便放出一輪金鏡皎然
虛碧照徹肺肝明似水是中空洞無他物倚亭臯搔
首問天公天應識人共景都非昔君共我俱成客
且相逢一笑鼓笙簫笛老去可憐杯酒減醉來謾把
闌干拍便明朝煙水挂征帆還相憶

又

姑蘇靈巖寺涵空閣

客子愁來閑信馬到涵空閣誰爲我歛雲收霧青天
爲幕八萬頃湖如靜鏡波神護斷東南角望孤帆香

杳度微茫山邀却
三塞外紛狐貉
三徑裏悲猿鶴
筭鴟夷老子占他頭著
正使百年能幾許
看來萬事難描摸
問吳王池館復何如
霜楓落

又

梅

試馬東風且來問南枝
消息正小墅幾株斜倚
數花輕折自有山中幽態
度誰知世上真顏色
歎君家五嶺我雙溪
俱成客長塞營孤城
笛天未晚人猶寂
有幾多心事霜清月白
好把寒英都放了
莫教春訊能占得
問竹籬茅舍景如惟渠識

又

京口鳳凰池和蘆川春水連天
韻池寔蘇

魏公舊游也

借問如何春能好客懷偏惡消遣底閑言閑語近都
慵作歲月從今休點檢江湖自古多流落倚危亭目
斷野雲邊孤舟泊人事改人情薄退後步爭先着
且開樽沆蓋爲君斟酌拂拭鳳凰池上景淒涼猿鶴
山中約更東陽顛顚到腰圍渾如削

哨遍

括蘭亭記

晉在永和癸丑暮春初作蘭亭會集衆賢臨峻嶺崇
山有茂林修竹流水暢幽情縱無管絃絲竹一觴一
詠佳天氣於宇宙之中游心聘目此娛信可樂只念
人生相與放形骸或一室悟言襟抱開靜躁雖殊當

其可欣不知老至 然倦復可之情隨事改悲相係
俛仰間遺迹往往俱成陳矣况約境變遷終期於盡
修齡短景都能幾謾古換今移時銷物化痛哉莫大
生死每臨文吊徃一興嗟亦自悼不能喻於懷箚鼓
殤妄虛均爾今之視昔如契後視今猶昔故聊叙錄
時人所述慨想世殊事異後之來者覽斯文將悠然
有感於此

水調歌頭

焦山

鐵甕古形勢相對立金焦長江萬里東注曉吹捲驚
濤天際孤雲來去水際孤帆上下天共水相邀遠岫
忽明晦好景盡難描 混隋陳分宋魏戰孫曹回頭

千載陳迹癡絕倚亭臯惟有汀邊鷗鷺不管人間興
廢一抹度青霄安得身飛去舉手謝塵囂

又

雪川溪亭

皎月亦常有今夜獨娟娟浮雲萬里收盡人在水晶
奩矯首銀河澄徹搔首金風浩蕩毛髮亦冷然宇宙
能空闊磨蟻政迴旋倩漁翁撐舴艋柳陰邊垂綸
下餌須臾釣得兩三鮮喚客烹魚醺酒伴我高吟長
嘯爛醉即佳眠何用驂鸞去已是地行仙

又

送趙文仲龍學

宛水絕停棹一舸又澄江品花籬藥開遍時節正重